

C V D

A I G G

1 6 0 0

DBL 34  
3625

P. d. 221

Mc

Theol. K. <sup>IV</sup> 249,

9  
Eine lustige Disputation / 8  
eines gefangnen / einfeltigen / vnd vngelernten  
Bawren / mit Namen B. Nicolaus / In einem Syno-  
do geschehen / in Böhemen / Año 1471. mit den  
Pfaffen der Römischen seytten.

Von dem Blut vnsers Herren Jesu Christi /  
Das es den Lānen auch solte zu trincken gereicht vnd  
gegeben werden. Aus Böhemischer Sprach  
auffs treulichste verdeutschet.  
Durch Martinum Peoninum.



**Die fürnehmsten Arti-  
ckel / so in disem Synodo sind  
Disputirt worden.**

- I. Vom gewalt des Paps.**
- II. Vom Sacrament des Altars.**
- III. Von der Messe.**
- IIII. Von Geistlichem Diebstal  
des Kelchs.**

# Die Vorrede auß Böhme- mischer Sprach.



Da man geschriben vnd geze-  
let hat / M. CCCC. LXXI. Jar/  
Ist ein Synodus gehalten worden/  
vnd diß gesprech geschehen im Behe-  
merlande / in der gegend Chausnitz  
genant / zu derselben zeit / da im Lande  
zu Behemen ein offen Krieg / vber sieben gantze Jar  
lang geweret hat.

Da war ein schlechter einfeltiger Bawersmann/  
mit namen Bruder Nicolaus / gefangen / von Wlasse-  
nitz / gar nahend bey der Statt Pelhrymowa genant /  
Denn er war in einem bösen verdacht vnd argwon / als  
solte er des newen Glaubens sein / (wie den die groben  
Papisten so verächtlich von dem waren Christlichen  
Glauben plaudern) vnd der newen Euangelischen Ses-  
cten / da man das hochwürdige Sacrament des waren  
Leibs vnd Bluts Christi / in zweyerley gestalt nimpt /  
vnterschiedlich / wie es der Herr selbs an seinem letzten  
Nachtmal / vor seinem leyden gehalten / vñ biß auff sein  
zukunfft zum gericht / also zu halten / vnd allen so an ih  
glauben würden / vnd ire sünde bekennen / zu raichen vñ  
zu geben befolhen. Der vrsachen halben / war dieser  
Bawer in ein hartes Gefengnis geworffen / darinn ein  
lange zeyt gehalten / vnd mit hunger vnd durst sehr ge-  
plaget worden / Denn es dorffte im niemands weder zu  
essen

A ij

essen

essen noch zu trincken etwas geben/ Es geschah dann  
das ein befehl von dem Könige Sigismundo kam/an  
den oberste Landshauptman des Landes/ das er einen  
Synodum versamlen/vnd den Ketzerischen Bawern/  
(denn er ward durch die Römischen Pfaffen vor dem  
Könige hoch eingetragen vnd verklagt) vnd alle die  
seines Glaubens weren/ endlich zum Tod verurteilen/  
das ihme also geschehe/ wie dem Ertzketzer Johann  
Dusz/ zu Costnitz im Concilio.

Da versamlet der Hauptman vil der Geistlichen  
vnd Weltlichen gewaltigen Herrn von der Römischen  
seyten/vnd bestimmet einen gewissen tag/auch dem ge-  
fangenen Bawerlein/das er wisse/ vnd sich darzu schi-  
cke/ dann es würd sein leben kosten.

Vnd an einem tag war die versamlung vnd Session  
gemacht von beyden teylen/den Geistlichen vnd Welt-  
lichen Personen/ aber nur auff des Papsts seyten/ die  
darzu verordnet vnd beruffen wurden. Da ward das  
arme Bawerlein gebunden/vñ durch den Hencker auß  
dem Gefengnis geführt worden/ für den Obersten Bi-  
schoff des Böhmerlandes/für einen Doctor von Cro-  
maw/ vnd für zweintzig Pfaffen von dem Römischen  
Stul verordnet/ vnd für vil andere Herren des Römis-  
chen Glaubens/ die da waren als Richter verordnet/  
den handel anzuhören/ vnd das Bawerlein zu Exami-  
niren/ wo er des Ketzerischen Dussischen Glaubens  
were/ da man das Sacrament inn beyderley gestalt  
Communiciret/wider die heylige Römische Kirchen/  
so solten sie ihn zum Tod verurtheilen/das er sterbe/wie  
dann inn dem Costnitzischen Concilio ist beschlossen  
worden/das man die Ketzer sol außrotten.

Nach

Nach dem sie aber vermerckten / daß das Bawerlein  
desselben Glaubens vnd derselben Religion were ( wie  
dann öffentlich die bekentniß seines Glaubens lautet )  
vermaneten sie inerstlich / er solte den neuen Glauben  
in Christum / vnnnd auch die beyde gestalt des Sacra-  
ments widerruffen / vnd Kurtzumb zu dem Römischen  
wider keren. Wo er aber das nicht thun wolte / so sol er  
entweder verbrennt / oder ertrenckt / oder aber mit dem  
Schwert gerichtet werden / Den sie vermeinten gleich  
genugsame vrsachen wider in zu haben / dieweil er von  
der heiligen Römischen allgemeinen Kirchen abgewi-  
chen were / vnd einen solchen Glauben angenommen /  
den die Römische Kirchen nie gelehret / vnd zu solcher  
verfürischen Secten sich geben / die gantz vnrecht / vnd  
eytel Ketzerey ist / Darumb wo er solches Glaubens  
nicht abstehen / vnd die Secten nicht verlassen wolte /  
so muß er dem Hencker zu theil werden / vnnnd sterben  
wie ein ander Ketzer.

Der Nicolaus Bawer aber / nach dem er in seinem  
hertzen gantz gewiß war / das der Glaub in Christum  
recht / vnd das hochwürdige Sacrament in zweyerley  
gestalt zu empfangen / keine Ketzerey / sondern ein ernst-  
licher / vnnnd allen armen Sündern zur seligkeit dienst-  
licher befehl Christi were / ( Sonsten müste der ware  
Son Gottes Jesus Christus / der seinen Leib im brod /  
vnd sein thewres Blut im Wein / selbs zu essen vnnnd zu  
trincken verordnet hat / welches Sacrament wird con-  
secrirt durch die krafft seines allmechtigen Worts / daß  
alle die es im glauben empfangen / sollen gewiß haben  
vergebung der Sünden / vnd die ewige seligkeit / auch  
ein Ketzer sein ) wolte er derhalben in keinem wege den

A ij

glauben

glauben in Christum/noch den befehl verlengnen/auch  
nicht zu dem Römischen hauffen tretten / Sondern in  
dem glauben an Christum/vnd bey seinem befehl wolte  
er beständiglich verharren bis ans ende / vnd darüber  
tröstlich vnd frölich leyden/ was ihm für eine straffe  
aufferlegt würde. Aber doch / das er zuuor vberwisen  
werde / das der glaub in Christum falsch / vnd die stiftung  
Christi bey dem Sacrament in zweyerley gestalt  
eine Ketzerey seye. Wo jr solches (saget das Bwerlein  
zum Bischoffe) mit der warheit beweisen vnd erhalten  
könnet / vnd mich einen andern Glauben denn der ist/  
vnd einen bessern weg zur Seligkeit/denn Christus ist/  
vnterweisen könnet/so wil ich mich auch weysen lassen.  
Wo aber nicht/ so wil ich in dem Namen Christi meis  
nes VErren/ mein Dant darstrecken.

Darauff siengen die Römischen Pfaffen mit dem  
gefangnen Bwerlein an zu Disputirn/ wie folget:

## Der Erste Frag Artickel der Geistlichen/ Die der Römischen seyten waren/ fragten das Bwerlein.

**W**ie glaubst/ oder was heltest du Nicolae/von  
vnserm aller Heyligsten vnd liebsten Vatter  
dem Papst zu Rom?

Der



Der Nicolaus antwort / vnd sprach zu ihm: Saget  
ir das in der warheit / das der Papst ewer Vatter sey?

Die Römischen Pfaffen schryende vber den Baw-  
ren / sprach zu ihm: Ja / Sihe fragst du noch / du eh-  
loser zunichtiger Ketzer / Wir halten den Papst nicht  
für ein verworffens Aß / noch für keinen vntüchtigen  
Menschen / wie du in darfür haltest.

Darauff antwortet das Bawerlein / vnd sprach zu  
inen: Ich sage jetzt also öffentlich / das alle die / so einen  
solchen glauben haben / Das der Papst ir Vatter sey /  
die sind allesamt rechte Findelkinder vnd Bastarten.

Vnd balde nach diser rede / ein Herr / Jörg Drob-  
ky genant / stand auff gegen dem Bawerlein mit gros-  
sem hefftigen zorn / lügenstraffet den armen gefangnen  
Nicolausen / spürtzet ihm in sein angesicht / vnd gab im  
drey grosse streich mit einer Peutschen vber sein haubt /  
vnd sprach mit hohem schwur: Du must heute entwe-  
der verbrennt oder ertrencket werden.

Vnd der Nicolaus / nach dem ihm solche schmach  
vor dem Synodo widerfaren / sehr zu hertzen gieng /  
vnd ihm die vnbilligkeyt wehe thet / das er von dem  
Hauptman / der zuuo: beide Parteyen solte wol verhö-  
ret / vnd wer da recht hette / demselben verholffen ha-  
ben / solte geschlagen werden / weynet derhalben bitter-  
lich. Darnach wischet er seine augen / vnd sprach zu  
dem Hauptman: Lieber Herr / ir habt mich vnbillich  
geschlagen / denn ich habe solches nie geredt / das ich  
mit der warheit nicht beweysen künde.

Vnd der Bischoff mit seinen Pfaffen sagt zu dem  
Nicolausen: Du ehloser zunichter Ketzer / jetzt bist  
du schon in vnserm gewalt / vnd wilt dennoch auff  
vns

vns beweisen/das wir geistliche Findelkinder vnd Bastarten sind. Der Nicolaus sprach zu ihnen: Wenn es sein köndte/das man einen wolte recht verhören/so were balde da auch die beweisung. So jr mich nicht hören wolt/sondern ohn alle verhöre vnnnd antwortung verdammen vnd tödten/darfür kan ich nicht/so bleibt jr selbs gerecht/Ich aber vngerecht.

Des tröste ich mich aber (sprach er weyter) in disen meinen banden/das auch gleich also meinem DERN Christo/seinen Aposteln/vnnnd allen lieben Heyligen geschah/ das man sie vmb der warheit/vnd vmb des glaubens Christi willen/als die schedlichste Menschen auff Erden verdampt/vnd zum tode verurtheilet hat/one alle rechte verhöre/vnd also muß mir von euch auch geschehen.

Darauff sprachen die von der Römischen seiten zu ihm/das er rede vnd solches auff sie beweyse.

Vnd der Nicolaus gab ihnen ein Gleichnis/von einem gemeinen berüchtigtem Weibe/die vil Männer hat/vnd wenn sie ein Kindlein aufferhalb der Ehe vberkompt/so heisse dasselbig Kind ein Bastart/oder ein Durenkind/darumb/das es nicht auß Ehelichem stande gezeuget ist/hat vil der Vätter/vnd kenne nicht den rechten Vatter. Also seid auch ihr/sagt der Nicolaus/weil jr spricht der Papst sey ewer rechter Vatter/Denn jr habt nun vil der Vätter zu Rom gehabt/derer keiner kein ehliches Weib nie gehabt/sondern den Ehestand verdampt/vnd als das schedlichst werck den Priestern verboten/So doch der Allmechtig Gott selbs denselbigen verordnet hat/zu vermeyden den Ehebruch vnd Durerey.

Vnd

136 Vnd Paulus sagt: Das kein Durer ins Himelreich  
Kommen wird. Vnd jetzt habt jr auch den jetzigen Papst  
zum Vatter / der hat auch kein ehelich Weib / seid jr denn  
seine Kinder (wie jr sagt) so seid ihr warlich rechte Bas-  
sterten.

Der Papst muß bald sein böses ende nemen / vnd des  
ewigen todes sterben / vnd das wird Gott der Herr dar-  
rumb vber in Kommen lassen / das er handelt wider Got-  
tes wort / vnd die frommen Christen in bann thut / von  
wegen des Kelchs / das ist / von wegen des Bluts Jesu  
Christi / vnd das man nicht mehr von im Ablass vmb  
Geldt wöll kauffen / noch auff seine werck bauen / die-  
weil das wort Gottes klar ist / vnd die Apostel zeugniß  
geben / das wir allesamt / allein durch den glauben an  
Jesum Christum / gerecht vor Gott vnd selig werden.

Vnd wenn nu gleich der Papst heut stürbe (sprach  
das Bawerlein) so müßet jr bald morgen einen andern  
an seine stat haben / vnd kündt gar keines Papsts gera-  
ten / denn wenn jr keinen hettet / so möchtet jr ewer Re-  
ligion nicht erhalten / es müste all ewer thun hin fallen /  
vnd es werde bald mit euch allen auß.

Christus vnser Herr aber spricht also: Ir solt nie-  
mand Vatter heissen auff Erden / denn einer ist ewer  
steur Vatter / nemlich / der so im Himel ist / jr aber seid  
allesamt Brüder / derhalben / dieweil jr einen andern  
vnd frembden Vatter habt auff Erden / den jr selbs mit  
ewern augen nicht gesehen / vnd vil mehr von im haltet  
dann von Gott im Himel / vnd doch nur ein sündiger  
vnd sterblicher Mensch ist / wie kündet jr dann Sone  
sein des Himelischen Vatters?

Darzu so hat Christus selbs alle menschen gelernet  
beten /

B

beten /

beten / vnd beten wir vnd ihr auch also: Vatter vnser der du bist im Himel. Vnd sagen nicht / der du bist zu Rom.

Darauff sagten die Römischen Pfaffen / sihe die giftige Schlange / woher sie außkrecht.

Also vnd nicht anders haben sie sich auff des Bewur-  
lins gegenwurff kündten verantworten / sondern mus-  
sen also darbey den Nicolausen bleiben lassen / das sie  
des Babsts geistliche Bastarten sindt / vnd haben des  
Nicolausen seine einfeltige Argumenta nit widerlegen  
können. Vnd also hat er den Ersten Artickel erhalten.

## Der ander Artickel / vom Sacrament des Leibs vnd Bluts Christi.

**V**ND der Bischoff fraget das Beworlein weiter /  
vnd sprach zu ihm:

Nicolae / glaubst du auch das / wo der Leib Chri-  
sti ist / das auch daselbs sey das Blut Christi vnter  
der einen gestalt.

Der Nicolaus antwortet darauff / Ehrwürdiger  
Herr vnd Bischoff / Ich glaube / das Geistlicher vnd  
angeborener weise das Blut bey dem Leibe ist / nicht  
aber Sacramentlich / Denn es ist anders die Geistliche  
vnd auch anders die Sacramentliche empfangung / des  
Leibs vnd Bluts Ihesu Christi. Denn der **HEILIG**  
Ihesus in seinem Nachtmal / weil er noch lebet / vnd  
mit seinen Jüngern zu Tische saß / hat seinen Leib im  
Brot zu essen / vnd sein Blut im Wein zu trincken / als  
len zugleich dar gegeben / vñ also Sacramentlich hat er  
befohlen

befohlen zu empfangen allen Menschen hinfüro seinen Leib vnter der gestalt des Brots/vnnd vnter der gestalt des Weins sein Heiliges Blut/zur vergebung der sünden. Vnd das ist die Sacramentliche empfangung/die der Herr selbs verordnet hat.

Die Geistliche aber ist diese/ wenn nun ein Christ in dem wort Gottes vnterrichtet/das eusserliche vnd sichtliche Sacrament mit dem Munde empfangen hat/so glaubet er auch vest vnnd starck inn seinem hertzen/das der einzige Son Gottes/Jesus Christus/mit seinem leiden vnd tod am Creutz/genug hat für die sünd gethan/das also nichts verdammlichs mehr seye an denen/so inn Christum glauben/sondern gewislich folget die ewige Seligkeit/vnd also empfangen die Christen den gantzen Christum mit Leib vnd Seel/ mit Fleisch vnd Blut/ ja mit alle dem/was Christus hat mit beyden Naturen/das geschicht Geistlich durch den Glauben/wie sie zuvor auch eben den Christum/der für sie gestorben ist/in dem eusserlichen Sacrament/nach seinem wort vnd befehl aber doch vnterschiedlich/in zweien gestalten empfangen haben.

Vnd solche Geistliche empfangung geschicht bey den glaubigen alle tag/denn sie auch alle tag des Leysdens vnnd Todes Christi des Sohns Gottes/als ihres Erlösers/gedencken/vnd jm für alle seine wolthat von hertzen danck sagen.

Aber die Sacramentliche empfangung des leibs vñ Bluts Christi (saget das Bewein) soll nicht nur auff einzeit im Jar gebunden sein/wie jr denn nur zu Ostern die Leuthe speysset/denn der **WELK** selbs saget: Als offit ihr das thut. Da betrachtet der Herr nicht den ge  
338610 **B ij** brauch/

gebrauch/sondern die grosse not der Menschen/denn er  
wol wuste / das wir allesampt dieses Sacraments/ als  
lang wir auff Erden leben/ sehr nottürfftig sein werden/  
zum trost / zur sterckung des Glaubens/ zur vergebung  
der sünden / vnd zur einigkeit inn der Christlichen liebe.  
Darumb als oft ein armer Sünder seine sünde empfindet/  
von der Welt/oder vom Teuffel angefochten wird/  
oder sich im glauben vnter dem Crentze etwas schwach  
befindet / sol er tröstlich das hochwürdige Sacrament  
des waren Leibs vnnnd Bluts Christi im glauben empfangen /  
von den rechten Priestern / die Testamentirer  
Christi sind verordnet / vnd also die seele speysende mit  
der himlischen speise / vnd mit Christo vereinigen/des  
gewiß sein/das er auch ein erbe ist des ewigen lebens.

Die von der Römischen seyten sagten darauff zu  
dem Nicolausen/ja/das ist den Priestern allein erlaubt/  
Nemlich/das Sacrament inn zweyerley gestalt zu empfangen /  
vnd nicht den Leyen/ Denn die Apostel auch  
nur Priester gewesen sind.

Der Nicolaus antwort vnd sprach: Es möge wol  
vnd gar leichtlich bewisen werden / das die Apostel nit  
gantze Priester / sonder nur einfeltige schlechte Leyen  
dazumal waren/da der Herr Christus inen seinen Leib  
im brot zu essen/vnd sein Blut im Wein auß dem Kelch  
seines Testaments zu trincken geben hat.

Vnd darauff fraget der Nicolaus die Römischen/  
vnd sprach:Sagt mir/Kan auch der ein gantzer Priester  
sein/der nur ein erste Weyhe empfangen hat?

Der Bischoff antwort darauff / vnnnd saget Nein/  
es Kan nicht sein / Denn die heilige Römische Kirchen  
von einem grad zum andern die Priester zu weyhen verordnet

ordnet hat. Da sprach der Nicolaus / darumb müst jr  
da auch bekennen / das die Apostel zu der zeyt / da der  
Herr Christus sein letztes Nachtmal mit ihnen hielte /  
nur einfeltige Leyen / Fischer / Zölner / vnd dergleichen  
sind gewesen / vnd nicht Priester / denn sie waren erst  
nach seiner Auferstehung gantze volkömliche Priester  
vnd Prediger / da der Herr ihnen den heyligen Geist  
mittheylet / vnd saget: Nemet hin den heiligen Geist /  
vnd gehet hin in alle Welt / prediget das Euangelium  
allen Creaturen / Vnd lehret sie halten alles was ich  
euch befohlen hab. (Da/saget das Bawerlein) waren  
die Apostel erst rechte Priester worden / vnd bekleydet  
mit der Krafft des heiligen Geistes von der höhe.

So nun die Aposteln bey dem Nachtmal Christi  
nur schlechte Leyen gewesen sind / darumb sol man den  
Leib vnd das Blut Christi im Sacrament / wie es ver-  
ordnet / jetzt auch den armen Leyen vnd Sündern nicht  
wehren noch abschlagen / auch niemand darumb pla-  
gen noch tödten.

Vnd vnser Priester (saget der Nicolaus) thun recht  
daran / das sie (wie sie das Sacrament selbs empfa-  
hen) also der gantzen Kirchen / wer es begert / vnabge-  
schlagen auch mittheylen alle.

Da sagten zu im die Römischen Pfaffen / thun wir  
doch auch also / Nemlich / wie wirs vnsern Nächsten  
austheylen / also vnd der gestalt / wir es selbs in Todes-  
nöten auch empfangen.

Darauff fraget sie der Bawer vnd sprach: Saget  
mir

mir das: Mag auch jemand selig werden/der in seinem  
beruff nit bestendig bleibet?

Die Römischen sprachen: Nein/ der wird nit selig  
der nicht verharret bis ans ende in seinem stand.

Der Nicolaus saget drauff: Nun jr habt doch oben  
gesagt/ daß das Sacrament des Leibs vnd Bluts Chri-  
sti in zweierley gestalt zu empfaben/ den Priestern allein  
zugehöret/ bis in den tod/ Vnd sehet/ ihr sündert euch in  
der Franckheit vnd im Toddbette ab/ von ewrem Priester-  
lichem beruff/ vnd empfabet das Sacrament nur in ei-  
ner gestalt/ wenn ihr aber geneset vnd gesund werdet/  
wer weyhet euch als denn wider zu Priestern?

Mit diser Frag hatte das Bewein dermassen alle  
seine Widersacher gestillet/ vnd ihnen das Maul also  
gestopffet/ das sie ihme kein Antwort darauff geben  
kündten.

Vnd der Nicolaus fraget weiter die von der Röm-  
ischen seitten/ vnd sprach zu inen: Sagt mir/ ob auch  
ein gantz Sacrament sein kan/ wenn man nicht alle  
wort gantzlich drüber spricht/ wie sie den nach der ord-  
nung Christi billich gesprochen sollen werden?

Die Römischen antwortten/ daß nit sein könne.

Da sprach der Nicolaus zu inen: Darumb frage  
ich euch nun/ wie köndte das Sacrament gantz sein/  
vnter der einen gestalt/ das der ordnung Christi genug  
geschehe/ dieweil jr nicht alle die wort darüber spricht/  
die doch billich solten gesprochen werden/ Sondern ihr  
lasset die wort/ so vber den Kelch gehören mit fleyß auß/  
Denn ihr besorget euch/ jr würdet hoch sündigen/ wis-  
der ewren Neyligesten Vatter zu Rom / wenn ihr die  
wort Christi vber dem Kelch soltet sprechen/ vnd die  
Leyen



seyen mit dem Blut Christi auß dem Kelch trencken/  
so doch der Herr Christus selbs auß seinem heyligsten  
Munde klerlich ausgesprochen hat / das vnter der ges-  
talt des weins im Kelch (da er sagt: Das ist der Kelch  
des newen Testaments in meinem Blut) sey warhafft-  
tig vnd gegenwertig sein Blut / welches als dann bald  
darnach ist worden vergossen am Creutz / für das gan-  
tze menschliche geschlecht / zur vergebung der sünden.  
Darzu sind auch die wort vber den Kelch von Christo  
sonderlich / vnd mit gantzem ernst geredt worden / (zur  
vergebung der sünden) vnd von den Aposteln fleißig  
gehalten. Darumb thut ihr vnrecht (saget das Bewer-  
lein) vnd sündiget wider Christum / das ihr der wort  
vber dem Kelch verschweyget.

Darauff antworten die Römischen Pfaffen: Es  
ist vnnot diser wort / wenn man Leyen Communiciret/  
vber den Kelch zu sprechen / Denn wir glauben vnd leh-  
ren auch also / das die eine gestalt / nemlich / die heilige  
Ostia / nimpt vnd zeucht an sich alle die wort / so zu  
dem andern theil / nemlich / zum Kelch gehören / vnd als  
so machen wir vnter der einen gestalt ein gantzes Sac-  
rament.

Der Nicolaus sprach darauff / das wird sich in der  
warheytt nicht befinden / vnd das wil ich auch bewey-  
sen. Wolan / dieweil jr also sagt / glaubet vnd lehret / das  
die eine gestalt annemen könne alle die wort Christi / die  
er vber bede gestalt des Brots vnd Weins gesprochen  
hat / So gebe ich euch ein gleichnuß: Wenn man jetzt  
drey Kinder auff ein mal zu der Tauffe brechte / vnd der  
Priester fraget den ersten / wilt du getaufft werden: vnd  
der

der Gevatter würde antworten an des Kindleins stat /  
ja ich wil. Vnd der Priester güsse das wasser vbers Kind-  
lein vnd spreche: Martine / ich tauffe dich im Namen  
Gottes Vatters / vnd gebe als dann das Kindlein dem  
Gevatter wider. Darnach wenn die andern mit dem  
andern Kindlein auch herzu treten / vnnnd der Priester  
sprech abermals / wiltu getauffet werden? Vnd die Ge-  
vattern an des Kindleins stat würden antworten: Ja /  
ich wil / Vnd der Priester güsse das wasser vbers Kind-  
lein / sagende: Hans / ich tauffe dich im Namen Gottes  
Vatters / vnd Gottes Sons / vnnnd gebe darnach das  
Kindlein dem Gevatter wider. Wenn darnach die  
dritten auch herzu treten / mit dem dritten Kindlein /  
vnd der Priester fraget sie mit den vorigen worten / wilt  
du getauffet werden? Die Gevattern an stat des Kind-  
leins / geben antwort / Ja / ich wil / Vnd der Priester  
güsse das wasser vbers Kindlein / sagende: Nicolae /  
Ich tauffe dich im Namen Gottes Vatters / Gottes  
Sons / vnd Gottes heiligen Geistes. Vnd also erst vber  
dem dritten Kindlein würden die wort des Sacrament  
der Tauffe gantz vnnnd gar außgesprochen. Nun frage  
ich euch / Ob auch dise drey Kinder alle recht getauffet  
werden oder nicht?

Sie antworten dem Nicolausen / das sie nicht alle  
recht getauffet werden / Vnd das derhalben / das sie nit  
alle fehic sind der gantzen wort / die Christus zu dem  
Taufen verordnet hat / Den nur allein das letzte Kind-  
lein hat mit völligen worten die Tauffe empfangen.

Darauff sprach der Nicolaus mit grossen freuden /  
Daramb alle Sacramenta von Christo außgesetzt /  
müssen.

müssen auff diesem grundt bestehen ( So sie anderst gewisse / gantze vnd nützliche Sacramenta sein vnd bleiben solten ) das sie durch gantze vnd volle wort Christi befrefftigt werden / Vnd von keinem theyl nichts genommen noch hindan gesetzt / Wie Gott selber hat gesagt: Ir solt nichts zu meinem Wort thun/noch davon thun/Sondern was ich euch gebiete/das solt jr halten/das jr darnach thut.

Der Oberste Bischoff antwortet dem Nicolansen/  
Ja/es müssen gantze vnd volle wort da sein/wenn man das heylige Sacrament Consecrirt.

Das Bawerlein saget bald darauff zu dem Bischoffe:  
Wie kündet jr aber alle wort Christi vber die eine gestalt sprechen / das darauß ein solches gantzes Sacrament werde/wie es Christus verordnet hat. Diweill er selbs/der Son Gottes/vnterschiedlich andere wort geredt hat / vber die gestalt des Brots / vnd auch andere wort vber den Kelch: Vnd also in disen beden teylen/im Brot vnd Wein / ein gantzes Sacrament seines waren Leibs vnd Bluts gemacht/vnd verordnet / allen armen Sündern zu empfangen/zur vergebung der sünden / vnd darzu gesagt: Das es sey ein ewiges Testament.

Darumb/Ob jr schon gleich in der Messe ( wenn ihr die Leyen Communicirt ) alle wort Christi vber die eine gestalt des Brots sprecht / vnd meinet es sey ein ganzer Christus da / mit Fleisch vnd Blut / so ist es doch nur ein halbs Sacrament/vnd nicht gantz/wie es Christus verordnet hat/vnd also betriegt ihr die vnverständigen Leyen mit ewren Worten / Denn wenns also nach ewer meinung ein gantzes Sacrament were / so hett es der Herr auch wol also können machen vnd verordnen.

E

Darzu

Darzu so ist in dem thewren Blut Christi / welches er dem Kelch zugeeignet hat / verheissen vnd auch geschehen / die Reinigung vnd abwaschung aller vnserer sünden / Das bezeuget der heilig Sanct Johannes / da er sagt:

Das Blut vnseres HErrn Jesu Christi / reiniget vns von allen Sünden.

Darumb (sprach der Nicolans) sol es auch jetzt auß dem Kelch / nach laut der wort Christi / allen Menschen zu trincken gereicht werden.

Die Römischen Pfaffen sagten zu jm: Des sind die Leyen nicht würdig.

Auff solche rede fraget sie der Nicolans bald wider / saget mir / sprach er: Mag auch ein armer Sünder durch die gnade Gottes würdig werden des Leibs Christi?

Sie gaben ihme die antwort / Ja: Er kan des Leibs Christi wol würdig vnd febig sein.

Der Nicolans sprach: Ist das Blut Christi heyliger vnd grösser / denn der Leib Christi?

Die Pfaffen antworten: Nein / Es ist nicht heyliger noch grösser.

Der Nicolans sprach: Ey / so ist eins so heylig vnd so groß als das ander.

Sie antworten: Ja / eins ist eben so heilig vnd gut als das ander.

Darauff saget der Nicolans / dieweyl dann eins so heylig / so groß / so gut ist als das ander / warumb solte dann ein armer Sünder nicht würdig werden durch die gnade Gottes / des Bluts Christi auß dem Kelch zu trincken / dieweyl er würdig ist / des Leibs Christi im Brodt zu essen.

Da

Da antworten sie ihme: Das die gemeinen Leyen nicht künden würdig werden des Bluts Christi in solcher gestalt / Derhalben hat es die heilige Römische Kirche / durch die heiligen Väter beschloffen / vnd verordnet / das man den Leyen in der heiligen Ostia / vnter der einen gestalt / beydes / Leib vnd Blut Christi mit einander raichen soll.

Nicolaus saget darauff mit frölichen Worten / vor dem gantzen Synodo: So verachtet jr das Testament Christi?

Darauff sie weder ja noch nein sagen wolten.

Vnd der Nicolaus sprach: Wolan / weil ihr das ewig Testament Christi verachtet / vnd die Ordnung des Son Gottes vernichtet / auch sein Sacrament endert / das jr darauff nur eine gestalt machet / Ja also glaubet vnd lehret / das vnter der einen gestalt des Brots / sey alles / vnd im Kelch nichts dann pur lauter Wein (vnd ihr meinet / wenn gleich weder Kelch noch Wein da were / so leg nicht vil daran) so doch der Herr Jesus nicht also verordnet vnd befohlen hat / mit seinem Sacrament zu schimpffen weder zu schertzen / Darumb sage ich hie öffentlich / das ihr wider Christum handelt / vnd straffet den Allmechtigen Son Gottes (der doch die ewige Wahrheit selbst ist) der lügen / Der vrsachen halben seid jr auch die rechten Widerchristen / vnd feinde seines Worts.

Vnd also hat das Bawerlein abermals seine Widersacher / die Römischen Pfaffen überwunden / vnd mit iren eignen Worten jnen das Maul gestopfft / das sie sich schemen mussten vor allen Menschen.

## Der dritte Artickel von der Mess.

**S**nd dieweil der Bischoff vnd seine bey-  
sitzer nicht kundten beweisen/ Warumb  
ein armer Sünder weder würdig noch  
selig sein kändte/des Bluts Jesu Christi  
im Kelch / Vnd nun das Bawerlein sein  
sach fürzubringen macht hatte/so sprach  
es zu seinen Widersachern.

Ich frage euch weiter: Ob jr ewre Messen haltet für  
die/ so vnter beyder gestalt des Sacraments sind / oder  
für die/so vnter der einen sind?

Vnd sie antworten ihm: Ja / die heylige Messe ges-  
schi cht für die/ so noch beim leben sind / vnd stehen dar  
bey wenn man die Messe helt.

Der Nicolaus saget darauff / weil nun ewre Mes-  
sengeschehen allein für die/so darbey stehen / warumb  
haltet ihr die Messe alle tag/ob schon kein Mensch dar  
bey stehet?

So verkaufft ihr auch die Messe vmb Geldt / den  
Seelen im Segewer/den Schiffleuten auff dem Meer/  
den Rauffleuten in weyten Landen / den Krancken im  
Sichbette/den Engeln vnd allen Deyligen im Himel/  
die doch solcher ewer Messen gar nicht bedürffen/denn  
weder Christus noch seine Aposteln solche Messen nie  
haben gehalten.

Vnd weyters / Dieweil jr selbs bekennet vnd sagt:  
Ewre Messe sind denen allein nütz / so darbey stehen/  
Wie kan es denn etwas nutz bringen den Todten / so  
vor langen zeyten hin gestorben vnd verwesen sind?  
Vnd

Vnd ob schon gleich ire Seelen leben / so sind sie doch  
entweder in der gnaden oder vngnaden Gottes / denn  
welcher recht hat in Christum glaubt / der ist selig / wel-  
cher aber nit recht hat geglaubt / der ist verdampt / vnd  
mussen alle warten des letzen vrtheils Christi / am  
jüngsten tage / da er zu den rechtglaubigen sagen wird:  
Kompt her ihr gebenedeyten meines Vatters / ererbet  
das Reich / das euch bereit ist / von anbegin der Welt.  
Vnd zu den vnglaubigen wird er sagen: Gehet hin ihr  
vermaledeyten in abgrund der Dellen / das euch vnd  
dem Teuffel bereyt ist / von anbegin her. Darumb ist  
ihnen ewer Messe gar nichts nütz.

Sie antworten dem Nicolausen / vnd sprachen: Die  
verstorbenen / ob sie gleich die heylige Mess nicht sehen  
noch hören / so geniessen sie doch vnser Fürbitt gegen  
den lieben Deyligen / Denn sie sind aller Menschen  
Fürbitter vnd Nothelffer vor Gott.

Der Nicolaus sprach zu ihnen: Ich wolte gern den  
Menschen vnter euch sehen / der das mit der warheyt  
kündte beweysen.

Erstlich / Das ihr Fürbitter seid für die Todten /  
Seyt jr denn auch Fürbitter für die armen Sünder die  
gestorben sind / die nun Gott allein in seinem Allmech-  
tigen gewalt hat / vñ sie von irem sündlichen leben auff-  
gehört / ruhen in der hoffnung Christi / bis an den Jüng-  
sten tage. Wer bittet denn für euch / die weil ihr in Sün-  
den lebet / vnd sündiget wissentlich wider den heyligen  
Geist. Am meisten aber / das jr der klaren warheyt Chris-  
ti widerstretet / Vnd es stehet geschrieben: wie jr wisset  
das die sünde weder hie noch dort nimmermehr vergeben  
wird /

wird / Darzu erhöret Gott seine Feinde nicht / wie geschrieben stehet: Weil sie mein wort verachten / so wil ich jr ruffen vnd Gebet auch nicht erhören / spricht Gott.

Zum andern / so hat Gott keinen andern Mittler vnser halben verordnet / weder im Himel noch auff Erden / Ist auch kein ander Fürbitter noch Nothelffer denn Christus der Son Gottes allein.

Wie können dann die verstorben Heyligen Mittler / Fürbitter vnd Nothelffer sein / dieweil sie selbst für sich haben müssen bitten: Vergib vns vnser schuld.

Dierauff kundt der Bischoff mit allen seinen Beysitzen dem Nicolausen keine antwort geben / denn er hat sie mit der Warheit getroffen / vnd mit iren eygenen Worten gefangen.

Der Nicolaus fraget sie weyter vnd sprach: Saget mir / ob auch ein Messe inn der gantzen Welt möge gehalten werden / vnder der einen gestalt / ohne den Kelch?

Sie sagten zu ihm: Nein / es kan nicht geschehen / es wolte sich dann jemand des selbs leichtfertiglich vntersehen.

Da sprach der Nicolaus zu ihnen: Dieweil es denn nun dem also ist / das die Messe nicht kan one den Kelch gehalten werden / so müßet ihr selbs bekennen / das ihr ewere Messe haltet für die / so vnter beyder gestalt sind des Sacraments / vnd nicht für die / so nur vnter der einen sind. Denn so jr ewere Messe hieltet für die / so vnter der einen gestalt sind / so müßet jr die Messe halten / nur in einer gestalt / ihr müßet auch Consecriren vnd auffheben nur die einen gestalt. Dieweil es aber nicht also geschicht / was nützet denn ewer Messe denen / so jr mit gewalt



gewalt treybet / auff die eine gestalt des Sacraments?  
Oder wie dörrft jr die Menschen in Bann thun / vnd  
verdammnen / die zu ewer Messe nicht gehen wöllen / die  
weil für sie kein Messe geschicht?

Sie sprachen zu ihm: Die heylige Messe geschicht in  
dem glauben vnd sinn des Priesters / der die Messe helt /  
für alle die / so im Schoß der heiligen Römischen Kir-  
chen ligen / vnd sind gehorsam derselben Geboten.

Saget darauff Nicolaus: Wie wenn aber der / der  
die Messe helt / nichts guts im sinn / vnd auch keinen  
guten Glauben hette? So müste es also sein / das die  
seligkeit der Menschen / nur auff den sinn vnd glauben  
des / der die Messe helt (sein sinn vnd glaub wer böß  
oder gut) müste gebawet vnd gebunden sein / vnd gar  
nicht auff den tod Christi / noch auff seine gnugthuung?  
Das werdet ihr auch weder beweysen noch erhalten  
können.

Denn jr leset selbs inn der Schrift / das geschrieben  
stehet: Er trug vnser Kranckheit / Lude auff sich vnser  
schmertzten / Er ist vmb vnser missethat willen verwun-  
det / vnd vmb vnser sünden willen zerschlagen / Esa. 53.  
Vnd der heilig S. Paulus sagt auch also: Christus ist  
vmb vnser Sünden willen gestorben / vnd vmb vnser  
Gerechtigkeit willen wider aufferwecket.

Damit wird klerlich angezeyget / das vnser Selig-  
keit auff keines Menschen werck / sinn noch glauben /  
sonder allein auff den tod Christi des Sons Gottes /  
als des vnschuldigen Lambs / der die Sünde der Welt  
tregt / gestellet seye.

Darumb mercket / das alle die ihr da versamlet seid /  
vnd

vnd das Sacrament nur in einer gestalt empfabet/das für euch keine Messe geschicht/Sondern nur für die/so vnter beyder gestalt sind/Warumb haltet jr mich denn gefangen?

D das sey dem lieben HERRN Gott im Himmel ge-  
klagt / vnd einem jeden frommen Christen solte leid sein/  
das die thewre bezahlung vnd vergießung des Bluts  
Christi/welchs vergossen ist zur vergebung vnserer sün-  
den / nicht wil zugelassen werden den armen Sündern  
zu trincken/vnd nicht solte nutz schaffen bey denen / die  
es von hertzen in rechtem Glauben / nach der verord-  
nung Christi begeren.

Welchem Blute die vnglaubigen nicht allein sich  
widersetzen/sondern es auch öffentlich verachten.

Dieser rede des Bawerleins / haben sich die Röm-  
schen Pfaffen sehr geschembt / das sie nit mehr wusten  
was darauff zu sagen/denn die klare Warheit sie in die  
augen stache.

Vnd die andern Herrn bey der handlung versam-  
let/sagten: D vnserer grossen schande/pfuy: Vmb wel-  
chen Teuffel zanken wir vns denn? Sihe/diser einiger  
Leye hat vns mit sampt den Pfaffen eingejagt/ als inn  
ein Fischbern.

Vnd also hat das Bawerlein den dritten Artickel  
auch erhalten/mit der warheyt.

Der vierdte Artickel/von Geistlichem  
Diebstal des Kelchs.

Vnd

**N**ach dem allen/da der Bischoff mit  
seinen Geistlichen/der Römischen seyten  
vermerckten/das der Hauptman vermei-  
net den gefangenen Nicolausen ledig zu  
lassen / Denn er befand keine vrsach des  
todes wider ihn / So schryen sie hefftig  
wider den armen Leyen/ vnd sagten: Er habe bey ihm  
den Teuffel/ der auß jm redet/ Denn es ist vnmöglich/  
(sagten sie) das er von ihme selbs einen solchen verstand  
solte haben. Darumb wolten sie / das ihn der Haupt-  
man noch lenger in dem Gefengnuß verhüten vnd ver-  
stricken solte.

Da solches der Nicolaus höret/ bat er den Haupt-  
man/Er solte nicht hin mit jm eylen / denn er noch meh-  
rette mit den Geistlichen zu reden / welchs betreffe sei-  
ner Seelen heyl vnd seligkeit. Der Hauptman erlau-  
bete ihm seine notturfft zu reden.

Vnd der Nicolaus sprach zu einem vnter den Geis-  
tlichen/der in verrhaten hette/Du Pfaff von Budeweiß/  
der du nichts des Christlichen Glaubens in dir hast/ ich  
frage dich: Hette ichs auch eine sünde/wenn ich deinen  
Zehenden halb stele? Was sagst du darzu?

Er antwort zorniglich/vnd sprach: Du ehrlöser zu-  
nichter Ketzer/ was/ solt du dessen nicht sünde haben?

Der Nicolaus sprach zu ihme: Ey Pfaff nicht also/  
verstehe mich recht was ich sage/ Ich frage dich: Ob  
ich darumb sündiget/ wenn ich dir etwas stele / Das  
sage mir?

Er antwortet: Freylich thetest du ein grosse sünde/  
vnd dieselbe würdest du mir auch in jenem leben schul-

D dig

dig sein zu bezahlen / Denn es stehet geschrieben: Du wirst nicht außgehen / bis du den aller geringsten Heller bezahlest.

Darauff fraget er denselben Pfaffen / vnd sprach: Welche Sünde ist grösser? Die / Wenn man Gott das seine stilt / Oder aber wenn man dem Menschen etwas nimpt?

Ein ander vnter ihnen / gab behende dem Bewer sein dise antwort: Ich halte dafür / Dieweil Gott grösser ist / denn alle Menschen / das auch die Sünde dester grösser sey / wenn man Gott stilt vnd raubet / was Gottes ist.

Das Bewerlein sprach darauff mit freuden / Du hast recht geantwortet / Aber du weisst nicht / das du dich selbs verurtheilt hast.

Denn du bist eben derselbe Dieb / Der du stilst Gott dem Allmechtigen / vnd der armen Kirchen Christi / nemlich / den halben theil des hochwürdigen Sacraments. Das ist / Von dem Leib Christi im Sacrament / stilst du das Blut im Kelch / welches der Herr Christus selbs / an seinem letzten Nachtmal / auß grosser liebe / seiner gantzen Kirchen / zur vergebung der sünden / zu trincken verordnet hat / Vnd in der gantzen Welt / ist kein solcher Dieb / als du bist / mit allen deinen Gesellen.

Solches alles redet der gefangene Nicolaus frey heraus / vnerschrecken / vor der gantzen versammlung / die weil sie je beschlossen hetten / ihn vmb der warheyt vnd vmb des Glaubens Jesu Christi willen zu tödten / das sie je darauff als denn gedencken / wie recht sie ihm gethan

than haben / Darumb bleib er auch bestendig inn dem  
Christlichen Glauben / vnnnd in allen stücken der War-  
heit / die er auch da öffentlich bekennet / vnd kein wort  
widerruffet.

Vnd nach aller diser handlung / hat der Bábstliche  
hauffen den Nicolausen nicht mehr dürffen weyters  
fragen / noch mit ihme handeln / Denn sie besorgten sich  
vor ihm / Er würde sie noch in grössere schande führen /  
weyl er sie zuuor genugsam vberwunden vnd vberwisen  
hatte.

Erstlich / Das sie des Bapsts Geistliche Bastar-  
ten sind.

Zum andern / Das sie die rechten Widerchristen  
sind / vnd Feinde des Wort Gottes.

Zum dritten / Das sie abgesonderte vnd abgeschnit-  
tene Glieder sind / von der heiligen Christlichen Kir-  
chen / vnd verächter aller ordnung Christi.

Zum vierdten / Das sie Gottes vnnnd Christi des  
Herren / vnd auch seiner Kirchen / Geistliche Diebe  
vnd Rauber sind.

Vnd also bey disen vier Artickeln blieb stecken alle  
handlung / biß auff den andern tag / Denn die Pfaffen  
kündten dem Bawerlein gar nichts abgewinnen. Vnd  
das arme Bawerlein muste wider in das Gefenckniß.

Des andern tags zu morgens / kamen sie wider zus-  
ammen / den Handel wider den Bawren zu berath-  
schlagen vnd vollenden.

Vnd der Oberste Hauptman sprach zu dem Bis-  
choff / vnd seinen Baysitzern / Ehrwürdigen Herren  
vnd Freund / Ir habt nun den gefangnen Bawren ver-  
hört /

D i j

hört/ was sein Glaub vnd Bekenntniß sey / Was dunckt  
enck/ was muß ich mit ihm anfahren? Sol ich ihn vers  
brennen oder ertrencken lassen.

Der Bischoff mit seinem hauffen ward darüber ers  
schrocken / daß er nicht kundte dem Hauptman bald  
antwort darauff geben / Das der Hauptman fraget  
zum dritten mal/ was er mit dem gefangenen Bawren  
thun solte / Dann es ist heute (sprach er) eben der achte  
tag/ das der Bawer weder gessen noch getruncken hat/  
in der Befengniß.

Der Bischoff verwunderte sich des hoch / vnd  
sprach zum Hauptman: Ist dem also?

Der Hauptman sagt: Trotz einem bey seinem le  
ben/ der im zu essen oder trincken solte gereicht haben.

Vnd ein Doctor von Cromaw / des Bischoffs  
Beyitzer/sprach zum Hauptman: Ich bitte dich/ thu  
ihm nichts an seinem leben / Denn weil ich lebe/ habe  
ich einen solchen fürsichtigen Kopff an keinem Baw  
ren nie gesehen noch gehört / Warlich die hand Gottes  
ist mit ihm.

Vnd ist zu besorgen/ wenn du in würdest lassen töd  
ten / das Gott der Allmechtig etwas grausams würd  
vber vns allesampt von seinet wegen verhängen vnd  
schicken.

Der Hauptman fraget abermals / Was soll ich  
denn mit ihm thun?

Der Doctor antwortet vnd saget / Straffe ihn am  
Gelt/ denn des Geldes kanstu etwas genieffen / Wenn  
du ihn aber tödten lieffest / so würden wir es alle in kei  
nem guten genieffen.

Der

Der Oberst Hauptman schicket hin / vnd ließ das  
Bewerlein auß der Befencknuß holen / Da er für ge-  
bracht ward / sprach der Hauptman zu ihm: Sey ge-  
trost Nicolaus / Ich wil dich auff dißmal ledig lassen /  
vnd dir heissen zu essen geben / du must mir aber das  
Mahl thewer gnug bezahlen.

Vnd der Bischoff verbot ihm / Er solte sich hüten /  
vnd in keinen weg sich nicht mehr hören lassen / des Re-  
tzerischen Glaubens / Sonsten / wo er weyters betretten  
würde / so müsse er sterben.

Der Nicolaus sprach: Ich habe die Bekantnuß  
meines Glaubens öffentlich gethan / darbey will ich  
bleiben biß ans ende / Thut darauff was jr wolt.

Vnd also nam diser Synodus ein ende / vnd jeder-  
man ward abgezogen.

Darnach irer zween auß den zweintzig Römischen  
Pfaffen / so bey der handlung waren / sind glaubig an  
Christum worden / den Irthumb verlassen / sind kom-  
men zu dem Deuflein / da das wort Christi klar gepre-  
digt / vnd das hochwürdige Sacrament inn zweyerley  
gestalt gereicht ward.

Vnd von derselben zeyt an / hat sich die Kirche Chri-  
sti (die hin vnd wider zerstreuet / vnd auß forcht des  
Costnitzischen Concilij gantz verborzen war) von tag  
zu tag gesterckt vnd zugenommen / durch die gnade Got-  
tes / das sie der Sathan nicht mehr hat können vnter-  
drucken / biß auff den heutigen Tag her. Gott erhalte sie  
auch biß ans ende / Amen.

D iij

Vnd

Vnd das ist also in der warheit alles geschehen/wie  
in diesem Büchlein verfasst vnd begriffen ist/ des Zeu-  
ge ist der Allmechtige Gott selbs/vnd sein liebster Son  
Jesus Christus/ der allein die Warheit ist.

Der hat auch disen frommen Nicolausen / bey der  
Warheit seines Worts erhalten/ vnd ihme Mund vnd  
weisheit geben/ das er alle seine Feinde zu schanden hat  
gemacht.

Komme bald O Herr Jesu Christe/ vnd bekehre/  
die zu bekehren sind. Die verstockten aber / die sich mit  
gewalt wider dein heyliges Wort aufflehnen / die ma-  
che zu schanden / Dann dein Wort ist allein die War-  
heit/ vnd bleibet ewiglich.

Esaië am XL. Capitel.

Das Wort vnsers Gottes bleibet  
ewiglich.


Ende dieses Büchleins.





Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.





1

38 10/9, 13

ULB Halle 3  
 002 815 044




St

AR 38 10/9

9, 13







<sup>d</sup>  
ige Disputation / 2  
/ einfeltigen / vnd vngelernten  
en B. Nicolaus / In einem Synno  
Böhemen / Año 1471. mit den  
der Römischen seytten.

onsers Herren Jesu Christi /  
auch solte zu trincken gereicht vnd  
n. Auß Böhemischer Sprach  
ewlichste verdeutschet.  
Martinnm Peoninum.

